

MARTPURGV M.



TERRA, quæ à Mœno versus Septentrionem extenditur, à prædecessoribus nostris adscribitur Teutoniæ inferiori, complectiturque in primis Hassoniam, Thuringiam, & Misiam. Hassonia ab occasu contingit Rhenum, & ab ortu Thuringiam atque Saxoniam, versus aquilonem verò confinis est terræ Brunsvicensium, & pro parte Vestphaliæ. Huius autem regionis duo præcipua oppida sunt MARTPURGV ET CASSVLA. Quorum illud provinciæ metropolim statuunt, putantque quidam sic dictum, à Deo Marte: alij autem à Marcomiro Marcomiri vicefimifexti Regis Francorum filio, nominatum & erectum fuisse colligunt. Ptolemæo, authore Francisco Irenico, *Amisia* dicitur. Ciuitatem hanc olim villam fuisse historiæ produnt. Eam Lona præterfluit, insignis in Comitatu VVirgenstein fluius (*Undem Horberg* oritur) olim VVedekindi Anglorum Principis castrum præterfluens. Lasphe eiusdem Comitatus oppidum alluit, inde Beidenkap, Martpurgensem hanc urbem, Steiffenburg, Giessen Cattorum, nunc Heforum oppida allabens VVetzphalar Limburg præterfluens, multis receptis amnibus, infra Lonstein oppidum in Rhenum euoluitur. In præcelso montis culmine Principis sedes est cum Sacello, opus Lodouici Episcopi Monasteriensis, Henrici tertij Lantgrauij Thuringiæ filij. Liberalium artium studium vniuersale in hac ciuitate Martpurgenfi habetur, institutum anno Christi 1526. & anno 1535. à Philippo Principe instauratum.

CASSVLA.



CASSVLA præcipuarum Hassiæ ciuitatum altera, dicta quasi Castellum, olim tantum illic arcem extitisse perhibent. Illic lilium aureum è Roma per Lantgrauium delatum videtur. Nuncupatur autem à Ptolemæo Stereontium. Hæc Franciscus Irenicus. Fulda, Ana, & Trusula fluminibus irrigua. Aquis igitur instructa ciuitas, agrum fecundum atque compascuum habet, & arua pecoribus nutriendis idonea. Vnde in vellerum lanæque venditione, horum potissimum negotiatio consistit. Has siquidem merces, lanam præcipuè, partim ex Buuonia, regione Thuringiæ vicina allatâ, partim patrio in solo natam, in maximum Brabantiæ Emporium Anuerpianam urbem exportant, & inde Londinum transmittitur, quò Anglis (qui licet ouibus abundant, tantam tamen lanæ copiam, quantum ipsi consumunt, texturis suis suppeditare nequeunt) à nostris Germanis medium offertur, atque materia maxima lucri, & ex mercibus nostris in Germania natis, pecuniam colligendi, dum confectum ex nostra lana pannum, ante aliquot annos Anuerpiæ, nunc Hamburgi, & Francofordiæ ad Mœnum, parata pecunia comparamus.